



Broj: 10-45-543/26
Sarajevo, 15.07.2026. godine

Na osnovu člana 14. Zakona o zdravstvenoj zaštiti („Službene novine Federacije BiH“, broj 40/10), člana 69. Statuta Općine Centar Sarajevo-prečišćeni tekst („Službene novine Kantona Sarajevo“, broj 23/04 i člana 3. Odluke o osnivanju Zdravstvenog savjeta Općine Centar Sarajevo („Službene novine kantona Sarajevo“, broj 7/17), Općinski načelnik donosi

O D L U K A **o imenovanju članova Zdravstvenog savjeta Općine Centar Sarajevo**

Član 1.

Imenuje se Zdravstveni savjet Općine Centar Sarajevo (u daljem tekstu: Zdravstveni savjet), u sastavu:

1. Nakaš Bakir – predstavnik Crvenog krsta/križa s područja općine,
2. Mušić Tea – predstavnik zdravstvenih ustanova odnosno privatnih praksi,
3. Dizdarević Ševala- predstavnik penzionera,
4. Kečo Amela – predstavnik zdravstvenih radnika iz zdravstvenih ustanova na području Općine Centar Sarajevo,
5. Karić Sanela – predstavnik sindikata zdravstvenih ustanova,
6. Kulić Mehmed – predstavnik stručnih udruženja,
7. Kurbegović Aldina – predstavnik komora iz oblasti zdravstva,
8. Alimanović-Alagić Rubina – predstavnik udruženja za zaštitu prava pacijenata i
9. Jusić-Begić Aida – predstavnik mladih.

Član 2.

Zdravstveni savjet ima sljedeće poslove i zadatke:

- a) predlaže i evaluira sprovođenje zdravstvene zaštite na području jedinice lokalne samouprave,
- b) daje mišljenje na planove i programe zdravstvene zaštite za područje lokalne samouprave, te predlaže mjere za poboljšanje dostupnosti i kvaliteta zdravstvene zaštite na svom području,
- c) prati primjenu propisa na području jedinice lokalne samouprave koji se odnose na zaštitu prava i interesa pacijenata, uposlenih i zdravstvenih radnika,
- d) organizuje obrazovne kurseve za građanstvo iz poznavanja materije o pravima pacijenata i postojeće legislative,
- e) daje preporuke za organizaciju kurseva u zdravstvenim ustanovama radi upoznavanja rukovodstva i zdravstvenih radnika s konceptom prava pacijenata, legislativom i odgovarajućim nužnim promjenama u zdravstvenim ustanovama,
- f) prati povrede pojedinačnih prava pacijenata na području jedinice lokalne samouprave,
- g) predlaže preduzimanje mjera za zaštitu i unapređenje prava pacijenata na području jedinice lokalne samouprave,
- h) bez odgađanja obavještava zdravstveni savjet u kantonalnom ministarstvu o slučajevima težih povreda prava pacijenata koje mogu ugroziti život ili zdravlje pacijenata i zdravstvenih radnika,
- i) podnosi Općinskom vijeću Općine Centar Sarajevo i kantonalnom ministarstvu godišnji izvještaj o svom radu,
- j) obavještava javnost o povredama prava pacijenata i zdravstvenih radnika,

k) obavlja i druge poslove određene zakonom.

Član 3.

Članovi Zdravstvenog savjeta imenuju se na period od 4 (četiri) godine, sa mogućnošću reizbora.

Član 4.

Općinski načelnik može razriješiti predsjednika i članove Zdravstvenog savjeta i prije isteka mandata na koji su imenovani u sljedećim slučajevima i to:

- a) na lični zahtjev člana Zdravstvenog savjeta,
- b) ako ne ispunjava svoje dužnosti navedene u članu 2. ove odluke,
- c) ukoliko neopravdano odsustvuje sa sjednica Zdravstvenog savjeta više od četiri puta uzastopno.

Član 5.

Zdravstveni savjet na prvoj sjednici donosi poslovnik o svome radu, kojim se pobliže uređuje organizacija i način rada.

Član 6.

Članovi Zdravstvenog savjeta u svome radu obavezni su postupati tako da ne ugroze obavezu čuvanja službene tajne.

Član 7.

Administrativno-tehničke poslove za potrebe Zdravstvenog savjeta obavljat će Služba za poslove Općinskog vijeća Općine Centar Sarajevo.

Član 8.

Članovima Zdravstvenog savjeta pripada naknada za rad koja će se isplatiti na osnovu evidencije o učešću u radu, a u skladu sa članom 2. stav 3. Odluke o naknadama vijećnicima, članovima radnih tijela i članovima Općinske izborne komisije („Službene novine Kantona Sarajevo“, br. 21/23, 25,23, 30/23 i 1/26).

Član 9.

Ova odluka stupa na snagu narednog dana objavljivanja na Oglasnoj ploči Općine Centar Sarajevo.

OPĆINSKI NAČELNIK

Srđan Mandić

DOSTAVITI:

- 1. Imenovanim članovima
- 2. Službi za poslove Općinskog vijeća
- 3. Evidenciji
- 4. Arhivi

Objavljeno na Oglasnoj ploči Općine Centar Sarajevo dana 24.07.2026. godine.